

2

Послание царю Ивану IV

По рукописи Публ. библ. им. Ленина в Москве, б. Румянц. музея № 264.

(л. 302). Да исчезнет от всякыя благочестивыя мысли лъжа и ласканіе и завистливъ нравъ, такожде да исчезнет всяко неправодѣство и лихо-радство, да множит же ся всяко праводѣство и истина и христіанолѣпенъ нравъ и кротост, в них же имі же изрядно украшается иже по образу и подобію божію рукою божіею създанный изначала челоуѣкъ, о немъ же премудрѣйшѣ речено быст пророкомъ и боготцомъ: «и челоуѣкъ въ чест быв' не разумѣ, приложися скотом несмысленым и уподо(би)ся имъ», сирѣчь нетлѣніемъ и безсмергіемъ и всякою премудрѣстію и разумом преукрашенъ бывъ, не разумѣ изрядную высоту даровъ небснаго сана ему от създавшаго его, прельсгився словесы льстивыми жены легкоумныя, его же ради приложися скотом несмысленым и уподобися имъ, смертенъ бывъ от безсмертнаго и тлѣненъ от нетлѣннаго преступлені(е)мъ порученныя ему спасителныя заповѣди и вмѣсто съсуда избраннаго и вмѣстителнаго разумѣніи и дѣбаніи всякыя премудрости и божественнаго разума, показася прочее съсуд погубленъ, давидьскыи рещи, еже ест съкрушеніа достоинъ, акы непотребенъ прочее бывъ и безсчестенъ отнуд въходомъ всяческыя злобы. Но еда презрѣлъ ли създаніе пречистыхъ рукъ своихъ съкрушено бывше по зависти зміини же нѣкїи прелести? Никако же, но не преста¹ всякыми образы посѣщая его и руку помощи простирая (л. 302 об.) ему знаменні, яже съ небесъ, знаменні от земли, знаменні въ мори, законоположеніи и поученіи и наставленіи мужей святыхъ и иныхъ от земли бывшихъ премудрыхъ въ всякомъ языкѣ еллинѣхъ же и египтянъ и халдеехъ и аравлянъ и бывшихъ въ Індіи, в рахманехъ, ихъ же каждо своимъ съплеменникомъ писанныхъ оставиша различныхъ ученіи и яже о нравехъ законоположеніа ко всякой добродѣтели и правдѣ наставляюще своихъ съплеменныкы и къ познаніи съдѣтеля всѣхъ руководяще ихъ по даннѣй имъ свыше божественнѣй помощи, послѣ же и самъ всѣхъ съдѣтель и промысленикъ съставная премудрость божіа, в немъ же сут вся съкровища божіа премудрости и разума събрана, едиnorodный сынъ и слово божіе утробами щедрот своихъ победенъ иже единъ непобѣдимый самоизволенъ прииде на помощь своего създаніа. И сіе преже многихъ лѣтъ предвъзгласилъ блаженный пророкъ Давидъ, глаголя: «богъ явѣ придет и не премолчитъ» и накы: «явит богъ боговъ въ Сіонѣ». И богоглаголивый Аввакумъ: «богъ от юга придетъ».

¹ Испр., в рукоп. праста.